





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3562 4° (LN 1482)






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3562 4° (LN 1482)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3562 4° (LN 1482)




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3562 4° (LN 1482)





11






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3562 4° (LN 1482)





4701

Handwritten text in a Gothic script, likely a library or archival mark, running vertically along the right edge of the page.



ORATIO FVNEBRIS,

DE

VITA ET MORTE

NOBILISSIMI VIRI, D. IOHAN-

NIS SCHAVGARDII de Gundestrop,

Illustrissimi Danorum Regis FRIDERICI II.

Consiliarij prudentissimi. Qui Anni 80. die 18.

Iulij, in vera filij Dei inuocatione,

vitam cum morte com-
mutauit.

Autore

IOHANNE ERASMIO

HAFNIANO.



Cicero in paradox.

*Mors terribilis est his, quorum cum vita omnia
extinguuntur, non his, quorum laus
emori non potest.*

H A F N I A E

Ex Officina Typographica Andreae Gutteritziij.

Anno salutis 1581.



5562.

GENEROSISSIMIS,
ATQVE EXIMIAE VIRTVTIS ET
summae sse pueris, FRIDERICO SCHAV-
GARDIO ET GEORGIO SCHAV-
GARDIO: viri amplissimi D. IOHANNIS
SCHAVGARDII de Gundestrop, (feli-
 cissimae memoriae) olim praesidis Arcis
 Helsingburgensis in Scharnia
 sitae, filijs, S.

Magna me benevolentia & propen-
 sissima voluntate semper benignè
 complectebatur parens vester, Pue-
 ri Ingenui, & maiorum imaginibus
 praecellentissimi. Annus enim iam
 agitur decimus quartus, quo ille Se-
 cretarius officio in Cancellaria Danica fungebatur.
 quo etiam tempore, cum inter pueros Symphonicos Illu-
 strissimi & Clementissimi nostri Regis FRIDERICI
 II. versarer, me primum in Clientum suorum numerum
 asciuit, & patrocino suo dignum iudicavit. Sed interea
 temporis, urgentibus necessitatibus, & me forte inuoluto
 difficultatum labyrinthis, postea facilis ad eum, D. &
 patronum meum, tanquam alterum Apollinem, aditus
 mihi patefiebat. Studia deniq; mea excitavit, & omni-

A 2

bu.

bus rebus cumulatisimè auxit. Verum cum polliceri mihi non queam, ut vel minimam beneficiorum in me collatorum partem remetiar, vel parem gratiam rependam: hoc studium nostrum cartaceum, quod mihi fatorum (proh dolor) legibus, & grata mentis recordatione, ex improviso impositum est, arripui: & iusta quædam ferialia Mæcenati meo & patri vestro carissimo, ipsiusq; honorabilissimis cineribus & fauillis, dicere constitui. Cum tamen lachrymas in hac rerum acerbitate, profundere magis competeret: quàm Encomion aliquid attingere. Vobis autem Nobilissimi Pueri, hunc qualemcumq; laborem inscribo, & virtutum vestrarum tholo hæc parentis vestri propria ornamenta suspendo & dedico. Quæ his paruis pagellis quasi in transcurso continentur. Ut sicut imaginis paternæ, quam facie, habitu & statura corporis refertis: Ita maiorum vestrorum virtutum animis æmuli sitis. & ut hoc studio meo, animi grati significationem & obseruantiam erga patrem vestrum, apud vos testatam in omnem eternitatem relinquerem. Quod studium nostrum ut benignè P. G. accipiat, etiam atq; etiam oro. Valete. Hafniæ ex Musognaphæo meo, 30. Septemb: Anni 81.

Vestræ Generos:
obseruandiß:

IOHAN: ERAS: HAF:

3

ORATIO

DE

VITA ET OBITU D. IOHANNIS
SCHAVGARDII.



*V*M Deo optimo maximo visum
sit, ex huius vitæ miserijs, ad æter-
næ vitæ consuetudinem nuper euo-
care virum genere & virtute no-
bilem Dn: Iohannem Schaugar-
dium, Patronum & Mæcenatem

meum: de vita & obitu eius aliquid dicere constitui. Et
si enim id mihi quidem acerbum sit: tamen pietas iubet,
vt eius memoriam mihi & alijs renouem: & qualis &
quantus vir fuerit, apud alios, quo ad potero, ostendam.

Quod si autem tantum eloquentiæ ad hunc virum
celebrandum afferre possem, quantum doloris ex morte
eius sustineo: efficerem profectò, vt intelligerent om-
nes, summas in eo viro virtutes fuisse, & studium eius
celebrandi mihi non defuisse. Iam verò & dolor me per-
turbat, qui tanto patrono orbatus sum, & ingenium,
(quod quàm sit exiguum sentio) non satis suffragatur,
nec dicendi facultas & copia par tantæ rei mihi sup-

B

petit.

petit. Vnde & subuereor, ne pietas mea ab iniquis cen-
soribus temeritatis nomine reprehendatur. Malo me ta-
men temeritatis nomine reprehendi, quàm pietatis offi-
ciolum hoc quaecumq; erga patronum in me desiderari.

Vtinam verò viuenti potius Schaugardio & ex
morbo restituto gratulari coràm licuisset: quàm mortuo
iam hoc triste & lugubre clientis officium præstare.
Vtinam mihi, patrono meo ægrotante, & de vita peri-
clitante, somnium illud Alexandri Magni somniare li-
cuiisset: qui vt est apud Ciceronem, cum Ptolemæus fa-
miliaris eius telo venenato in prælio ictus esset, eoq; vul-
nere summo cum dolore moreretur: Alexander ei assi-
dens somno est consopitus. Tum secundum quietem vi-
sus ei dicitur draco is, quem mater Olympias alebat, ra-
diculam ore ferre, & simul dicere, quo illa loco nascere-
tur: (neq; is longè aberat ab eo loco) eius autem esse vim
tantam, vt Ptolemæum faciliè sanaret. Cùm Alexan-
der experrectus narrasset amicis somnium, emississe qui
illam radiculam quærent. Qua inuenta, & Ptole-
mæus sanatus dicitur. Si mihi, inquam, tale somnium
somniaare licuisset, imò si quid votis & precibus profici
potuisset: viueret adhuc Schaugardius. Sed quoniam
aliter superis visum est, quod possumus officij ipsi præ-
stemus, & de tanti viri vita, quantum possumus, non
quantum debemus, dicamus.

Ortus

Ortus est igitur Schaugardius noster ex Cimbri-
 cae nobilitatis gente. Patrem habuit splendore generis
 & virtute spectabilem Georgium Schaugardium de
 Schaugard, Matrem verò fœminam omnibus virtuti-
 bus honesta & nobili matrona dignis ornatam, D. An-
 nam Flemming, D. Hermannii de Knudstrop filiam.
 Hanc autem ætatis suæ quarto amisit. Sed pater eius
 diutius superstes fuit; qui vixit ad annum Domini
 57. vsq.

His igitur parentibus natus est Schaugardius.
 Hinc generosæ mentis semina traxit. Multum enim
 interest ad ingenium, quibus quis parentibus nascatur.
 Nam vt poëta ait:

Fortes creantur fortibus & bonis,
 Est in iuuençis, est in equis patrum virtus,
 Nec imbellem progenerant Aquilæ columbam.

Et

Naturæ sequitur semina quisq. suæ.

Etsi autem præclarum & eximium decus est: &
 plurimum ad ingenij & virtutis excellentiam faciat, in
 honesta & nobili familia nasci: & semina virtutum à
 maioribus accepta habere: tamen hoc non dum satis est.
 Sicut enim semina optima in terram optimam coniecta,
 nisi ea benè & rectè coletur: aut pereunt, aut degene-

B 2

rant

rant & spem agricolæ frustantur. Ita semina virtutum in animis generosis, nisi recta institutione excolantur, rarò ad frugem perueniunt. Institutio enim animum per se generosum reddit generosiores dum & ingenium exacuit, & semina virtutum confirmat. Duplò enim acutius vident, & perspicaciores sunt alijs, homines docti et benè instituti. Vnde & Græci dixerunt διπλὸν ὁρῶσιν οἱ γράμματα μαθόντες. Et eleganter à Durerò pictore Norico, et homine docto, dictum est, & à Philippo Melanthe versibus expressum:

*Vt nulla è speculis rudibus resplendet imago,
Ni sint artificis ritè polita manu
Ingenij sic vsus erit, non vllus acuti,
Doctrinæ si non erudiatur ope.*

Deinde non tantum acumen ingenij adiuuat doctrina vera: Sed etiam vitia si quæ sint, extirpare conatur: & virtutem rursum animis inserere; aut semina virtutum præsentia augere & confirmare. Vnde & ab Horatio dictum est.

*Doctrina sed vim promouet insitam.
Et omnibus Rerumpubl. conditoribus & legum latoribus et sapientibus viris ferè omnibus, prima et maxima de recta iuuentutis institutione cura fuisse videtur.*

Quod

5562.
virtu-
occolan-
im ani-
m & in-
t. Du-
alijs, ho-
fixerunt
er à Du-
est, & à
doctrina
natur: &
virtutum
Horatio
n latoris
maxima
ur.
Quod

Quod cum prudens pater intelligeret; de filio suo rectè instituendo maturè cogitavit, eumq; sex tantum annos natum, Viburgum ad fratrem suum M. Andre- am Schaugardum misit, eiusq; fidei eum commendavit, ut is eum liberaliter in pietate et bonis artibus ibi insti- tuendum curaret. Cum igitur & ingenio felicissimo, artiumq; omnium capaci puer Schaugardius præditus esset, & patruus magna diligentia & fide curam eius ageret; breui magnos progressus fecit, et elementa et ru- dimenta doctrinæ et pietatis celeriter arripuit, latineq; loquendi & scribendi facu'tatem mediocrem sibi, artium dicendi cognitione, et bonorum autorum lectione et imi- tatione comparavit. Quod præcipuè in scholis puerilibus agendum et querendum est.

Cum igitur pater à fratre et præceptore pueri, de profectu eius certior factus esset; eumq; præclare tyroci- nio perfunctum intellexisset; de eo peregrè ablegando consilium cepit. Existimavit enim non tantum cursum studiorum in Academijs & scholis maioribus ei absol- uendum esse: sed etiam è re eius esse, ut linguas pere- grinas, germanicam præsertim, disceret: & peregri- nando varios hominum mores cognosceret. Nam eru- ditionis solidioris non est nullus, ut quidam perperam existimant, ad vitam priuatam & Rempublicam bene

gerendam fructus & vsus. Si enim qualiacumq; initia doctrinae vtilia esse existimantur, & experientia id etiam comprobatur; quanto magis solida & perfecta eruditio utilis erit?

Linguae autem Germanicae cognitio, propter commercia cum Germanis, quae hic propter vicinitatem quotidiana, publica & priuata sunt, hominibus nostris, praesertim ijs, qui in Republica versaturi sunt, est omnino necessaria.

Deinde peregrinatio & morum peregrinorum inspectio & cognitio plurimum ad prudentiam homini politico in primis necessariam parandam, facit. Vnde & Homerus hoc nomine & argumento Vlysses suum, ut virum prudentem celebrat:

Quod captae post tempora Troiae.

Multorum mores hominum vidisset & vrbes.

Vnde & veteres omnes legum latores Lycurgus, Solon & alij: & omnes omnino sapientiae & prudentiae studiosi, multum apud eas gentes, quae ob sapientiam celebres erant, peregrinati esse leguntur. Et Plato in legibus cum νομοφύλακας seu legum custodes nocturnos ex nobilissima ciuitatis suae parte: & eorum qui aetate, doctrina, moribus & consuetudine alijs omnibus praestarent, numero eligit & constituit: in id sanctius collegium

5562.
gium cooptare vult omnes eos, qui feliciter peregrinati
essent. Eos autem feliciter peregrinatos ait, qui peregrè
cum optimis & sapientissimis sint versati: quiq; ex pe-
regrinorum morum exploratione & optimorum viro-
rum sermonibus & moribus, facti sapientiores & melio-
res: vbi in patriam redierint, declararent, quid in alijs
ciuitatibus commodius animaduernerint. Vt si in patrijs
legibus id desideretur, illorum consilio emendari queat.
Nam sine hac, inquit, inspectione & inuestigatione,
haud quaquam perfectè stat ciuitas: neq; etiam, si malè
huiusmodi inspectiones fuerint institutæ

Exploratores igitur, inquit Plato et lex, & specta-
tores alios, si qui ex ciuibus maiori cum ocio, & aliorum
mores & negocia inspicere velint, peregrè proficisci
nulla lege prohibeantur. Ea enim ciuitas quæ morum et
bonorum et malorum imperita est, & quæ cum alijs non
consuescit: nunquam satis mansueta et perfectæ esse po-
test. Neq; verò leges sanctè obseruare solo vel legum
imperio, vel vsu & consuetudine, nisi accesserit cog-
nitio et prudentia. Sunt enim in quauis hominum turba
& multitudine, semper homines quidam diuini, licet
pauci, quorum consuetudo magnificienda est. Qui non
magis in benè constitutis ciuitatibus, quàm alijs nascun-
tur. Horum igitur virorum vestigia & mari & terra
per se=

persequenda et inuestiganda sunt ab eo, qui à benè instituta ciuitate egressus, peregrè proficiscitur, vt ex eorum consuetudine et sermone, et leges et mores meliores discantur. Hæc Plato.

Cum igitur pater filium suum non ad vitam priuatam & vmbrailem institui vellet: sed ad lucem et negotia publica: et in primis, vt aliquando in aula cum laude & fructu Reipublicæ versari posset: peregrè eum à se in Germaniam ablegare constituit. Misit igitur eum Noribergam urbem Germaniæ optimè moratam et prudentiæ nomine celebrem, vbi annos quatuor Schaugardius noster substitit, & cum optimis versatus magnam eruditionis, prudentiæ & morum bonorum accessionem fecit.

Atq; hîc, duo liberali ingenio & pio iuvene digna, præstitit Iohannes noster. Nam & eo temporis spacio in ista prudentissima ciuitate, iuuenis adhuc (quæ ætas parum ad eiusmodi attentam esse solet) multa, quæ sibi & patriæ suæ profutura viderentur, obseruauit, & memori mente reposuit.

Deinde in ista peregrinationis licentia, & magnæ & populosæ vrbis occasionibus & exemplis minime se vlllo modo corrumpi passus est, vt vel mores vel opinionēs suos contaminaret, vt minus castus, sobrius & pius
in pa-

5562.
in patriam rediret. Cum contrà multis bonis aliàs inge-
nijs incautis, & præsertim malè domi institutis, & te-
merè sine certo consilio peregrinantibus accidat: vt quo
magis quoq; diutius peregrinentur, eò redeant domum
magis corrupti. Vnde idem Plato in eadem de peregrinationibus lege, hoc addit: Ne quis intra annum quadagesimum ætatis peregrinetur. Putabat enim sapiens philosophus ciues suos ante id tempus ætatis propter imbecillitatem ætatis & iudicij: & parum ad mores, ingenia, consilia, instituta hominum obseruanda idoneos esse: & facillè moribus & opinionibus peregrinis corrumpi, infici & contaminari. Vnde & ipsi & patria eorum benè instituta plus detrimenti caperet, quàm emolumenti. Sed contra hoc periculum Schaugardius noster inuictus perstitit. Nec naturam generosam quam à parentibus hauserat, nec mores & opiniones, quas domi in schola à patre, patruo & præceptore imbiberat: cum cælo mutauit aut exiit & abiecit. Sed mordicus pietatis, sobrietatis, castitatis, humanitatis integritatis & candoris præcepta & propositum retinuit.

Cum igitur annos quatuor in ea vrbe egisset: & iam alias etiam vrbes, & gentes inuisere constitisset: præter spem & expectationem suam ab Illustrissimo

C

Princi-

Principe & Rege Daniæ &c. laudatissimæ memoria,
Christiano tertio, literis Noribergam missis, in patriam
reuocatus est: & quod linguæ Germanicæ admodum pe-
ritus esset, cooptatus est primum in Cancellariam Ger-
manicam: vbi magna cum dexteritate & industria
annum vnum transegit, postea in Cancellariam Dani-
cam, vbi annos nouem vixit, toto videlicet tempore,
quo Rex christianissimus Christianus tertius superstes
fuit. cui annos decem diligenter & fideliter seruiuit.

Cum autem mortuo Christiano, filius eius Fride-
ricus eius nominis Secundus, qui nunc rerum potitur: &
verè pater patriæ est, successisset: eiq; industria, fides,
integritas singularis Schaugardij perspecta & explo-
rata esset: Schaugardium sibi Secretarium summum
seu supplicum libellorum Magistrum magno omnium
applausu creauit. Quo munere annos totos quindecim,
belli Suetici præsertim tempore, ita functus est: vt &
fidem suam Regi suo probarit: & omnium hominum &
ordinum beneuolentiam humanitate & morum suauita-
te sibi conciliarit: nihilq; magis in votis habuerit, quàm
vt omnium preces & causas apud Clementissimum prin-
cipem iuuare & promouere potuerit.

Tandem

3562.

Tandem verò negotiorum & molestiarum aulicarum pertæsus, cum ætate ingrauescente animum ad matrimonium & vitam quietiorem appulisset: Anno Domini 74. veniam à Rege Illustrissimo petit. Qui quam eum propter diuturnam consuetudinem, fidem, integritatem, industriam agrè dimisit: tamen ut commodis eius consuleret, petenti veniam benignè dedit: sed ita ut paulò post amplissimam ei arcis Helsingburgensis, in Scania è regione Helsingoræ (quam nunc Cronenburgam vocant) sitæ præfecturam tradiderit: & in consiliorum suorum numerum & ordinem seu Senatum regni cooptarit. Quæ summa ferè est in hoc Regno dignitas, qua Iohannes ad honorum fastigium iam merito suo & principis sui favore prouectus est. In quo munere quæ fuerit eius in sententijs dicendis, prudentia, gravitas & constantia: Quæ in iudicijs sapientia, æquitas, integritas, religio, paucis à me hoc tempore dici non potest. Ipse ordo & dignitas ad quam non patet nisi optimo cuiq. sapientissimo, integerrimo & optimè de regno & Republica merito, aditus: de viri virtutibus omnibus testis esse potest: & collegæ eius amplissimi. Mihi, ut ille de Carthagine dicebat, tacere hîc præstat, quàm pauca, nec pro rei dignitate loqui.

C 2

Sed

Sed vt ordinem temporis sequar, Schaugardius eodem anno 74. quo ab aula dimissus est, cum aliquandu antea de coniugio cogitasset, die dominico, qui festum à tribus Regibus dictum proximè consequitur, nuptias celebravit: & in matrimonium duxit virginem nobilem, castam & piam Annam Parsberg, Veneri Parsberg, Equitis aurati & consiliarij Regij, felicis memoriæ, filiam, omnibus corporis & animi dotibus ornatissimam, in qua summa venustas & morum suauitas cum pari pudicitia, probitate & pietate coniuncta est. Intellexit enim Schaugardius matrimonium diuinitus institutum esse ad sobolem Deo, Ecclesiæ & Reipubl: honestè procreandam: & ad communes vitæ miseriae facilius & æquiori animo ferendas magnum adferre adiumentum: præsertim si vitæ socia bona & idonea contingat. Quare cum precibus eam subinde à Deo petiisset, tandem etiam moribus suis aptissimam Dei beneficio nactus est.

Quod cum vidisset & Deo summas egit gratias, & cum summa esset inter eos morum & animorum similitudo: magnaq; vxoris erga maritum indulgentia & reuerentia: ita etiam is vicissim cum vxore vixit, vt & rara aut nulla inter illos inciderit offensa, & illam marito mortuo superstes sibi tamen vix viuere videtur.

3562.
deatur. Vtq; domus & familia Schaugardij schola quæ-
dam caritatis, castitatis, pietatis fuerit. Ex coniugio
liberos quatuor, duos masculos, duas fœminas suscepit,
eosq; in pietate & timore Domini educandos & insti-
tuendos curauit. Qui ad huc parenti superstites sunt.
Domesticis autem suis omnibus, & cæteris sibi subiectis
quanquam comitate & consuetudine perquam huma-
num se præstaret: hoc tamen institutum quadam veluti
grauitate temperabat, vt & mansuetudinem colerent:
& grauitatem in eo venerarentur.

Sed iam præcipua vitæ Schaugardij momenta
ordine ferè attigimus: nunc breuiter de virtutibus,
quæ in eo per totam vitam præcipuè eluxernit, dicemus.

In primis igitur singularis in eo erat Mansuetu-
do, qua non faciliè læsus commouebatur: nec commotus
iræ diu tenax erat. Cumq; natura mansuetus esset: stu-
dio etiam & meditatione naturam iuuabat. Meminit
enim præceptorum diuinorum: Irascimini & nolite pec-
care: Item Sol ne occidat super iracundiam vestram.
Norat hominis quidem esse irasci, iracundiæ autem fi-
nem facere, hominis esse benè instituti & in primis
christiani. Quare de Schaugardio dici potest, quod Ci-
cero pro M. Marcello de Cæsare ait: Animum vincere,
iracundiam cohibere, quæ semper est inimica consilio,

C 3

Victo-

victoriam temperare, a duersarium non modo iacentem extollere, sed etiam pristinam eius dignitatem amplificare, hæc qui faciat, non ego eum summis viris comparo, sed Deo simillimum iudico,

Comitas etiam in eo insignis fuit. Natura enim sermo eius suavis & gratissimus erat. Et verè ut Homerus ait: τὸ γὰρ ἀπὸ σώματος γλυκίωρ μέλιτι & ῥέει ὅσον ἡ. Sermone itaq; eos, cum quibus ipsi consuetudo vlla erat, facillè demulcebat & in amorem sui pellexit. De quo non minus quàm de Tito Vespasiano dici potest, quòd nullum è conspectu & colloquio suo tristem dimiserit.

Liberalitas in eo non minor fuit, qua egenis non solum petentibus & opem eius implorantibus, sed etiam non petentibus subuenire & opem ferre solebat. Nec tamen opes suas temerè effundebat, sed ex ijs rectè dispensare pro facultatum modo, causa, loco, tempore promptus fuit. His enim perfecta liberalitas maximè commendatur.

Inter omnes autem virtutes maximè in eo conspicua erat pietas in Deum, quæ aliarum virtutum radix & basis est. quæ in veri Dei cognitione, eiusq; cultu & obedientia consistit. sine qua nulla virtus nominen virtutis tueri potest: nec vlla humana consilia aut studia felicia esse possunt, & exitus hominum ex hac caduca

3562.
caduca & momentanea vita omnium est miserrimus
& tristissimus. Quod cum homo benè institutus facile
intelligeret, Deum ex animo timebat, eiq; sedulo vitam
suam probare conabatur, & ab eo totus pendeat, eius
fidei & tutelæ se totum suaq; omnia permisit. humana
præsidia omnia vana & fallacia ducebat. Vnde & illud
Symbolum perpetuò in ore habebat: Deus refugium
meum, adiutor & protector meus.

Hanc autem pietatem suam non in pectore tan-
tum & ore habuit, sed multis & perpetuis pietatis exer-
citijs testatam fecit. Non enim in templis solum & pub-
licis Ecclesiæ congressibus doctrinam de Deo & redem-
ptore nostro Iesu Christo, summa attentione & animi
deuotione assidue audiebat: & cum tota Ecclesia preces
suas coniunxit: sed domi etiam quotidie bonas horas le-
ctioni sacrorum librorum, & pijs precibus tribuebat.
Eam enim solam veram doctrinam, æternam & immo-
tam esse de essentia & voluntate Dei statuebat, quæ in
verbo Dei & libris Prophetis & Apostolicis compre-
hensa esset. Eamq; sibi in omnibus consilijs & actionibus
normam: & in omnibus periculis & rebus aduersis sa-
cræ ancoræ esse ducebat. Quare fidei suæ augendæ &
confirmandæ causâ, quotidie ut dixi, sacros libros inspi-
ciebat & euolvebat: & piæ preces cum lectione coniun-
gebat:

gebat: quibus se diuinitus doceri & confirmari, regi
& gubernari petebat. vt à Dauide cum alibi, tum
Psalmo 119. didicerat.

Nec intra parietes tantum hæc pietas eius consti-
tit: sed latius se etiam diffudit. Schaugardius enim
cum videret pietatem & religionem sine neruis &
præsidijs, adeoq; ministris diu saluam & incolumem
consistere non posse: non solum consilijs publicis scholas
& Ecclesias, & eos qui in scholis & Ecclesijs docent:
præsertim eos, qui in hac Inclita Academia Regia (cu-
ius ipse fato quodam Conseruator etiam fuit) & bonas
artes omnes tradunt, & sacram scripturam interpre-
tantur: autoritate, consilio & sententia sua, sicubi opus
erat, publicè defendebat & iuuabat, sed etiam priuatim
erga Ecclesias munificentiam singularem exercuit:
& docentibus & discantibus, sicubi necesse erat, de suo
largiri & opem ferre promptissimè solebat. Cuius rei
& ego testis esse possum. Nam studia mea multis mo-
dis iuuit & me omni ratione prouexit, multisq; etiam be-
nificijs affecit, quæ nulla vnquam apud me delebit obli-
uio. quem nimis maturè desideravi & quotidie desidero.

His igitur virtutibus tota ferè vita Schaugardij
ornata fuit. Sed vt quis tandem exitus eius fuerit, &
quæ vitæ eius quasi catastrophe, tandem exponamus.

Cum

3562.
Cum anno superiori, nempe 80. ex comitijs Ottoniensibus domum reuertisset: in valetudinis infirmitatem incidit, quæ indies ingrauescebat magis magisque. Ex quo factum est, vt viribus tandem destitutus, die 7. ante Iohannis, hoc est 22. Iunij decumbere coactus sit. Die Martis, qui proximè secutus est, cum intelligeret primam esse morbi medicinam, reconciliationem cum Deo, pastorem ad se accersit, ei peccata confitetur, & veniam delictorum à Deo petit: simulq; deuotè & reuerenter sacram cœnam percipit, qua & se ad gratias Christo pro suo erga se & Ecclesiam redemptionis & saluationis beneficio agendas excitat: & fidem suam de remissione peccatorum propter Christum, & gratia Dei erga se confirmat & munit. vt Deo reconciliatus, in vtrumq; paratus & animo præsenti sit, siue viuat, siue moriatur. Deinde vt pietatis aliquod specimen edat, pauperibus Helsingoræ & Helsingburgi, pecunias non paucas distribuendas curat.

Ex eo deinde tempore, patienter & æquo animo morbum ferens, decubuit, euentum, qui Deo placeret, exspectans. precibus piorum publicè in Ecclesia Deo commendari voluit. libenter consolationes & admonitiones ex verbo Dei audiebat. subinde precabatur, oculis & manibus in cælum sublatis, ac his plerumq; verbis

D vtebatur.

utebatur. Deus qui in cælo es, me propter Iesum Chri-
stum iuua. multus ei sermo de Deo fuit, sæpe Deo gra-
tias egit, & patientiam suam Iobi verbis testabatur:
Si bona suscepimus de manu Domini: mala quare non
sustineamus, sit nomen Domini benedictum. Et cum
vehementer ei latus dextrum doleret: ago, inquit, Deo
gratias. quod si vnum latus affligit: tamen alteri par-
cit. Sæpenumero de mundi & rerum humanarum in-
constantia & vanitate verba fecit. In primis etiam
subinde ebrietatem & potationes vsitatas execrabatur.
Quibus se grauiter olim inuitum conflictatum & op-
pressum esse conquerebatur: atq; inde magnam morbi
partem se contraxisse. Cumq; se, morbum suum & mo-
lestias suas, vxoris fide, assiduitate & sedulitate mag-
nopere indigere & leuari videret, de matrimonij etiam
vtilitate & necessitate concionabatur: & priuatim pro
tam felici matrimonio, quod Deus ipsi conciliarat, Deo
gratias egit: & pro vxore & liberis sæpe precabatur.
utebatur etiam interea temporis medici opera & medi-
cina.

Die Lunæ ante diem Mariæ Magdalena proxi-
mo, hoc est, die 18. Iulij cum intelligeret mortem in fori-
bus esse, hora sexta vespertina, denuo sacra cæna cum
gratiarum actione vsus est.


Cumq;


Cumq; admoneretur, vt in fide & fiducia filij Dei Domini sui Iesu Christi constanter permaneret: verbis Iobi respondit: Etiam si Dominus occiderit me: tamen sperabo in eum. Cumq; fauces ei aridas iam potu rigare vellent, recusauit: seq; iam postremum & optimum potum hic percepisse affirmauit.


Et cum iam expiraturus esset, sublatis manibus, Commendo, inquit, Deo patri, filio & spiritui sancto animam meam: vxorem autem & liberos orphanos & maestissimos Dei & Regiæ Maiestatis tutelæ & defensionis. Et paulò post paucis & leuibus editis suspirijs, circiter horam octauam vespertinam, placidè admodum & suauiter in Domino obdormiuit.


Ita exitus, vitæ similis fuit. Vt enim piè & placidè vixit Schaugardius: ita piè & placidè obiit: & non solum alijs exemplum benè viuendi, sed etiam liberis suis virtutum suarum monumentum, præclaram & honestam nominis sui famam, qua nullum est patrimonium preciosius, reliquit.

D I X I











3562.

